

ხელშეკრულება №284

სახელმწიფო შესყიდვის შესახებ

ჩოხატაური

16 ნოემბერი 2015 წელი

ერთი მხრივ, ჩოხატაურის მუნიციპალიტეტის (შემდგომში „შემსყიდველი“) წარმოდგენილი გამგებლის ირაკლი კუჭავას სახით და მეორე მხრივ, ი.მ „ზაზა ჯიბუტი“ სახით საინდ/კოდი 46001000757 სახით (ვდებთ სახელმწიფო შესყიდვების შესახებ ხელშეკრულებას შემდეგზე: საქართველოს მთავრობის 2015 წლის 23 ოქტომბრის №2284 განკარგულება „სახელმწიფო შესყიდვების შესახებ“ საქართველოს კანონის 10¹ მუხლის მე-3 პუნქტის „დ“ ქვეპუნქტი.

1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს მომსახურება მიწოდებას ხელშეკრულების ფარგლებში.
- 1.6. „სამუშაოს“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

შესყიდვის ობიექტი: --- სტიქიის შედეგად დაზიანებული: სოფ.შუაამაღლებაში უდაბნოს უბანში მიმავალი გზის აღდგენის სამუშაოები (4945 ლარი), დაბა ჩოხატაურში „ო.ჩხიკვაძის“ ეზოს მიმდებარედ ორპირას ღელეზე დამცავი კედლის გაბიონის და სანიაღვრე კედლის მოწყობა (17510 ლარი) CPV კოდი-45200000

2 წლის განმავლობაში პრეტენდენტი ვალდებულია შესრულებლი სამუშაოების ხარისხზე, ხარვეზი უნდა აღმოფხვრას საკუთარი ხარჯებით

3. ხელშეკრულების ჯამური ღირებულება

- 3.1. ხელშეკრულების ჯამური ღირებულება შეადგენს 20455 (ოციათასოთხასორმოცდათხუთმეტი) ლარს.

ხელშეკრულების ჯამური ღირებულება მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.

4. ანგარიშსწორების ფორმა და ვადები

- 4.1. მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.

4.2. მიმწოდებელთან ანგარიშსწორება განხორციელდება მხარეთა მიერ ხელშეკრულებით

გათვალისწინებული სამუშაოს მიწოდების შემდეგ ხელმოწერილი მიღება-ჩაბარების აქტისა და საგადასახადო ანგარიშ-ფაქტურის საფუძველზე.

4.3. მიმწოდებელთან ანგარიშსწორება განხორციელდება მიღება-ჩაბარების აქტზე შემსყიდველის მიერ ხელმოწერიდან 15 კალენდარული დღის განმავლობაში.

4.4 წინასწარი გადახდის მექანიზმი გამოიყენება წარმოდგენილი საავანსო საბანკო ან სადაზღვევო დაწესებულების მიერ გაცემული საბანკო გარანტიის შესაბამისად არაუმეტეს ხელშეკრულების ფასის 20%-ისა.

4.5 გარანტიის ვადა 1 თვით უნდა აღემატებოდეს შესრულების ვადას.

5. სამუშაოს მიღება-ჩაბარების წესი

5.1 სამუშაო ჩაითვლება მიწოდებულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდეგ.

5.2. შემსყიდველის მხრიდან მიღება-ჩაბარების აქტზე ხელმოწერა უფლებამოსილ პირს წარმოადგენს შემსყიდველი ორგანიზაციის ხელმძღვანელის ბრძანებით დანიშნული ინსპექტირების ჯგუფი.

5.3 მიმწოდებელი ვალდებულია შემსყიდველს წარუდგინოს შესრულებული სამუშაოს მიღება ჩაბარების აქტი ფორმა N2-ის სახით.

5.4 სამუშაოების შემსრულებელი კომპანიის მიერ დაქირავებული სამშენებლო მანქანა-მექანიზმებისა და ინვენტარის ქირავნობის ღირებულება შესრულებული სამუშაოების აქტში გათვალისწინებული უნდა იყოს ზედნადები ხარჯების და გეგმური მოგების დარიცხვის გარეშე.

6. სამუშაოს მიწოდების ადგილი და ვადა

6.1 სამუშაო განხორციელდება საპროექტო დოკუმენტაციაში მითითებულ მისამართზე. ჩოხატაური, ხიდისთავი

6.2. სამუშაოს მიწოდება განხორციელდება მიმწოდებლის მიერ შემსყიდველის მოთხოვნის შესაბამისად 2015 წლის 16 ნოემბრიდან 2015 წლის 25 დეკემბრის ჩათვლით.

7. მხარეთა უფლება-მოვალეობები

7.1. შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება.

7.2. შემსყიდველი ვალდებულია უზრუნველყოს მიწოდებული სამუშაოს ღირებულების ანაზღაურება ხელშეკრულებით გათვალისწინებულ ვადებში.

7.3. მიმწოდებელი უფლებამოსილია მოსთხოვოს შემსყიდველს სამუშაო ღირებულების ანაზღაურება ხელშეკრულებით გათვალისწინებულ ვადებში.

7.4. მიმწოდებელი ვალდებულია მიაწოდოს სამუშაოს სათანადო ხარისხით.

7.5 2 წლის განმავლობაში მიმწოდებელი ვალდებულია მისი მიზეზით გამოწვეული ხარვეზები აღმოფხვრას საკუთარი ხარჯებით.

7.6 მიწოდებული ვალდებულია შემსყიდველის მოთხოვნის შესაბამისად წარუდგინოს შემსყიდველს გამოყენებულ მასალებზე ხარისხის დამადასტურებელი სერტიფიკატები, ლაბორატორიული დასკვნები და სხვა დოკუმენტაცია.

7.7 მიწოდებული ვალდებულია ფარული სამუშაოების შესრულების დროს აცნობოს ინსპექტირების ჯგუფს ფარული სამუშაოს შესახებ აქტის შედგენის მიზნით.

8. ხელშეკრულების შესრულების კონტროლი

8.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი (ინსპექტირება), რომლის მიზანია მომსახურება შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

8.2. ხელშეკრულების 8.1 პუნქტით გათვალისწინებულ კონტროლს (ინსპექტირებას) შემსყიდველის მხრიდან განახორციელებს შემსყიდველი ორგანიზაციის მიერ დანიშნული ინსპექტირების ჯგუფი.

9. პირგასამტეხლო ხელშეკრულების პირობების შეუსრულებლობისათვის

9.1. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ ვადაგადაცილებულ კალენდარულ დღეზე შეუსრულებელი ვალდებულების ღირებულების 0,2%-ის ოდენობით.

9.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 3 (სამი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიწოდებულ ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

9.3. პირგასამტეხლოს გადახდა არ ათავისუფლებს მხარეს პირითადი ვალდებულებების შესრულებისაგან.

10. ხელშეკრულებაში ცვლილებების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.4. მხარე ვალდებულია არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს 10.3 პუნქტით გათვალისწინებულ გადაწყვეტილების მიღების განზრახვის შესახებ.

10.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. დავები და მათი გადაწყვეტის წესი

11.1 მხარეები არ არიან პასუხისმგებელი თავიანთი ვალდებულებების სრულ ან ნაწილობრივ შეუსრულებლობაზე. თუ ეს შეუსრულებლობა გამოწვეულია ისეთი გარემოებით როგორც წყალდიდობაა, ხანძარი, მიწისძვრა და სხვა სტიქიური მოვლენები. აგრეთვე ომები და საომარი მოქმედებები. თუ ისინი უშუალო ზემოქმედებას ახდენენ ხელშეკრულების შესრულებაზე.

11.2 მხარე, რომელსაც შეექმნა ფორს მაჟორული სისტემის დაუყოვნებლივ წერილობით აცნობებს ამის შესახებ მეორე მხარეს.

12. ხელშეკრულების შესრულებისა და მოქმედების ვადები

12.1 ხელშეკრულების შესრულების ვადაა 2015 წლის 16 ნოემბრიდან 2015 წლის 25 დეკემბრის ჩათვლით.

12.2 ხელშეკრულების მოქმედების ვადა განისაზღვრება 2015 წლის 16 ნოემბრიდან 2016 წლის 25 იანვრის ჩათვლით.

მხარეთა რეკვიზიტები:

„შემსყიდველი“



ი. კუჭავა

ჩოხატაურის მუნიციპალიტეტი
საინფ/კოდი 242008705

„მიმწოდებელი“



ზ.ჯიბუტი

ი.მ „ზაზა ჯიბუტი“
საინფ/კოდი 46001000757
სს ლიბერთი ბანკის
ჩოხატაურის ფილიალი
საინფ. კოდი LBRTGE22
ანგ. №GE51LB0112145715305000